

重錄總校官侍郎良泰鳴雷

學士臣王九任

分校官侍讀臣王壽熙

書寫儒士臣陳國泰

團點監生臣款河

臣孫世表

永樂大典卷之一萬四千四百六十二 五御

禦 備禦二

南齊書太祖建元二年又置巴州以威靜之。後魏書明元泰常八年正月蠕蠕化塞。二月築長城自長川之南起自赤城西至五原延袤二千餘里。備置戍衛。太武始光初詔問公卿蠕蠕征討先後。北平王長孫嵩平陽侯長孫翰司空奚斤等曰。蠕蠕土居未能為患。蠕蠕世為邊害。宜先討大檀。及則收其畜產。足以富國。不及則校獵陰山。多殺禽獸。皮肉筋角以充軍實。亦愈於破一小國。太常崔浩曰。大檀遣使告。疾追則不足經久。大衆則不能及之。赫連屈丐土宇不過千里。其政刑殘虐。人神所棄。宜先討之。尚書劉潔。武京侯安原請先平馮跋。帝默然。遂西巡守。延和元年六月庚寅。車駕伐和龍。詔尚書左僕射安原等屯于漠南。以禦蠕蠕。太延二年八月。詔廣平公張黎發定州七郡一萬二千人通沙泉道。五年六月甲辰。車駕西討沮渠牧犍。侍中宜都王漢壽。輔皇太子決留臺裏。大將軍長樂。稽發。輔國大將軍建寧王崇二萬人屯漠南。以備蠕蠕。太

平貞君五年。帝蒐于河西。詔司徒崔浩詣行在議軍事。浩表曰。昔漢武帝患匈奴彊盛。故開涼州五都通西域。勸農積穀。為滅賊之資。東西迭擊。故漢未疲而匈奴已弊。後遂入朝。昔平涼州。臣愚以為北賊未平。征役不息。可不徙其民。案前世故事。計之長者。若遺民人。則土地空虛。雖有鎮戍。適可禦邊而已。至於大舉軍資必乏。陛下以此事問遠。竟不施用。如臣愚意。猶如前議。募徙豪強大家。充實涼土。軍舉之日。東西齊勢。此計之得者。六年八月。徙諸種雜人五千餘家於北邊。令人北徙畜牧。至廣漠。以餌蠕蠕。七年五月。發司幽定冀四州十萬人築畿上塞園。起上谷。西至河廣。表皆千里。九年十二月。北討至受降城。不見蠕蠕。因積糧城內。留守而還。孝文延興五年六月。曲赦京師死罪。還備蠕蠕。大和中。尚書中書監高閭上表曰。臣聞為國之道。其要有五。一曰文德。二曰武功。三曰法度。四曰防圉。五曰刑賞。故遠人不服。則脩文德以來之。荒狡方命。則播武功以威之。民未知戰。則制法度以齊之。暴敵輕侵。則設防圉以禦之。臨事制勝。則明刑賞以勸之用。能闢國寧方。征伐四剋。北狄悍愚。同於禽獸。所長者野戰。所短者攻城。若以狄之所短。奪其所長。則雖衆不能成患。雖衆不能內逼。又狄散居野澤。隨逐水草。戰則與家產並至。奔則與畜牧俱逃。不費

資糧而飲食自足是以古人伐北方攘其侵掠而已歷代為邊患者良以
倏忽無常故也六鎮勢分信衆不闢互相圖逼難以制之昔周命南仲城
彼朔方趙靈秦始長城是築漢之孝武踵其前事此四代之君皆帝王之
雄傑所以同此役者非智術之不長兵衆之不足乃防狄之要事其理宜
然故也易稱天險不可昇地險山川丘陵王公設險以守其國長城之謂
歟今宜依六鎮之比築長城以禦北虜雖有暫勞之勤乃有永逸之益如
其一成惠及百世即於要害往往開門造小城於其側因施却敵多置弓
弩狄來有城可守有兵可捍既不攻城野掠無獲草盡則走終無佳志宜
發近州武勇四萬人及京師二萬人令六萬人為武士於苑內立征北大
將軍府選忠勇有志幹者以充其選下置官屬分為三軍二萬人專習弓
射二萬人專習戈楯二萬人專習騎射修立戰場十日一習採諸葛亮八
陣之法為平地禦寇之方使其解兵革之宜識旌旗之節兵器精堅必堪
禦寇使將有定兵兵有常主上下相信晝夜如一七月發六郡兵萬人各
備戎作之具初臺北諸屯倉庫近作米俱送北鎮至八月征北都率所領
與六鎮之兵直至磧南揚威漠北狄若來拒與之決戰若其不來然後散
分其地以築長城計六鎮東西不過千里若一夫一月之功當三步之地

三百人。三萬。三千人。三十里。三萬人。三百里。則千里之地。強弱相兼。計十萬人。一月必就糧。一月不足為多人。懷永逸勞而無怨。計築長城。其利有五。罷游防之苦。其利一也。北鄙放牧。無抄掠之患。其利二也。登城觀敵。以逸待勞。其利三也。省境防之虞。息無時之備。其利四也。歲常游運。永得不遺。其利五也。又任將之道。時須委信。遂之以礼。恕之以情。閫外之事。有利輒決。故其小過。要其大功。足其兵力。資其給用。君臣相體。若身之使臂。然後忠勇可立。制勝可果。是以忠臣盡其心。征將竭其力。雖三敗而踰榮。雖三背而彌寵。詔曰。覽表具卿安邊之策。此當與卿面論。一二帝又引見群臣。議伐蠕蠕。前後再擾朔邊。近有投化人云。勒勤渠帥興兵叛之。蠕蠕主身率徒眾。追至西漢。今為應乘弊致討。為應休兵。息民左僕射穆亮對曰。自古以來。有國有家。莫不以戎事為首。蠕蠕子孫。習其凶業。頻為寇擾。為患不俊。自相違叛。如臣愚見。且興軍討之。雖不頓除巢穴。且以挫其魄勢。問曰。昔漢時天下一統。故得窮追北狄。今南有吳寇。不宜懸軍深入。帝曰。先朝屢興征伐者。以有未賓之虜。朕承太平之基。何為挫動兵革。夫兵者。凶器。聖人不得已而用之。便可停也。帝又曰。今欲遣蠕蠕使還。應有書問。以不得臣以為宜。有乃詔。問為書。於時蠕蠕國有喪。而書不叙凶事。帝曰。

卿為中書監職典文詞所造音書不論彼之內事若知而不作罪在灼然
若情思不至應謝所在問對曰昔蠕蠕主敦崇和親其子不遵父志屢犯
邊境如臣愚見謂不宜弔帝曰敬其父則子悅敬其君則臣悅卿云不合
乎慰是何言歟問遂引愆弟冠謝罪帝謂問曰蠕蠕使牟提小心恭慎甚
有使人之禮同行疾其敦厚每至凌辱恐其還化必被謗誣昔劉淮使殷
鑒誕每下人不為非禮之事及其還國果被譖愆以致極刑今為首肯可明
牟提忠於其國使蠕蠕主知之宣武延昌三年十月庚辰詔驍騎將軍馬
義舒俞蠕蠕孝明熙平中蠕蠕主醜奴遣使來朝抗敵國之書不脩臣
敬朝議將依漢答匈奴事遣使報之司農少卿張子倫表曰古之聖王疆
理物土辨章要司荒遐之俗政所不及故禮有一見之文書著羈縻之事
太祖以神武之資聖明之略經啓帝國日有不暇遂令鑿子遊魂一方亦
由中國多虞急諸華而緩夷狄也高祖光宅土中業隆下世赫雷霆之威
振熊羆之旅方役南轅未遑北伐昔舊京烽起虜使在郊主上紫劍璽書
不出世宋運籌帷幄開境揚旌衣裳所及舟車萬里于時醜類送款關上
亦述遵遺志念大明臨朝澤及行葦國富兵強能言率職倚憚而為之何
求而行此往日梁通故求和以誠肅未絕抑而不許先帝棄我於前陛下

交夷於後無乃上乖祖宗之心下違世宗之意且虜雖慕德亦未觀我懼之以強僮即歸附示之以弱覲覲或起春秋所謂以我不也又小人難近夷狄無親疎之則怨狎之則侮其所由來久矣是以高祖世宗知其若此來既莫遂去又不追不一之義於是乎存必其委贄玉帛之展屈膝蓄方之禮則可豐其勞賄藉其珍物至於王人遠役銜命虜庭優以足敵之尊加之相望之寵恐徒生虜慢無益聖朝假令選衆而舉使乎稱職資鄺生之辨騁終軍之辭馮軾下齊長纓繫越苟異曩時猶而不顧而況極之以隆崇中之以宴好臣雖下愚輒敢固執若事不獲已應判詔示其上下之儀宰臣致書諷以歸順之道若聽受忠誨明我語言則萬乘之盛不失位於域中天子之聲必籠罩於無外脫或未從焉能損余舞干戚以招之數文德而懷遠如迷心不已或肆犬羊則當命車季之將勁衛霍之師蕩定雲沙掃清通孽飲馬瀚海之濱鏤石燕然之上聞都護置戍已斯亦陛下之高功不世之盛事如思崇甲養民務農安邊之術經國之防豈可以戎夷兼并而遽劇典則將取笑於當時貽醜於來葉昔文公請燧臺后有言荆莊問昂王孫是抑以古方今竊為陛下不取又陛下方欲禮神岷嶺致祀衡山登稽嶺窺蒼梧而反與夷虜之君首渠之長結昆弟之忻抗分庭之義

將何以職文命之景業。迺重華之高風者哉。臣以為報使甚失如彼。不報
甚得如此。願留須臾之聽。察愚臣之言。不從。正光四年二月己卯。以蠕
蠕主阿那瓌率衆犯塞。遣尚書左丞元季。兼尚書為北道行臺。持節喻之。
時帝以沃野野薄。骨律。武川。撫寧。桑干。懷方。懷柔。諸鎮。並改為州。其郡縣
改名。今准古城邑。諸河南尹。鄴。道元持節兼黃門侍郎。與都督李崇宜置
立戡滅去留。儲兵積粟。以為邊備。東魏孝靜帝興和元年六月。以尚書左
僕射司馬子如為東北道行臺。差選勇士。前潁州刺史奚思業為河南大
使。簡發勇士。北齊神武為東魏丞相。武定元年八月。於肆州北山築城。西
自馬陵。戍東至士陞。四十日罷。文宣帝天保元年。受魏禪。多所創革。六
坊之內。徙者更加簡練。每一人必當百人任。其臨陣必死。然後取之。謂之百
保。時鮮卑又簡華人之勇力絕倫。謂之勇士。以備邊要。三年十月乙未。幸
離石。至黃櫨嶺。仍起長城。北至社于戍。四百餘里。立三十六戍。特楊裴為
都水使者。帝親御六軍。北據突厥。仍詔裴監築長城。作龍行。南渡州。六
年。發夫一百八十萬人築長城。自幽州北夏口。西至鎮州。九百餘里。七
年十二月。先是自西河提秦成築長城。東至於海。前後所築東西凡三千
餘里。率十里一戍。其要害置州鎮。凡二十五所。八年。於長城內築重城。自

軍洛扶而東至於塢圯成凡四百餘里。武成帝河清二年三月詔司空斛律光督氏營軍士築戍於軹關後主武平元年十二月詔左丞相斛律光出晉州道修城戍後周書宣帝大泰初徵拜于翼為大司徒詔翼巡長城立亭障西自鴈門東至碣石創新改舊咸得其要富隋書高祖開皇元年四月發稽胡修築長城二旬而罷。又云開皇初遣司農少卿崔仲方發丁三萬於朔方置武築長城東至黃河西拒銀州南出勃嶺綿亘七百里明年帝復令仲方發丁十五萬於朔方已東緣邊險要築數十城以遏胡寇又黃門侍郎竇行本以亮須羗寇定封城最為難服上表劾其使者臣聞南蠻遵校尉之號西域仰都護之威此見西羌鼠竊狗盜不父不子無君無臣異類殊方於斯為下不悟羗唐之患誰知含養之恩振戾為心獨非正朔使人近至請行推科帝奇其志二年十月癸酉皇太子勇屯兵咸陽以備胡十二月乙酉達泌源公虞慶則屯弘化備胡六年二月丁亥發丁男十萬築長城二旬而罷七年二月發丁男十萬餘修築長城二旬而罷。日前周宣帝時突厥稱國請婚于周帝遣長孫晟副使而公宇文慶送千金公主于其牙攝圖弟庫羅侯既突利殺尤得衆心而為攝圖所忌盡託心腹陰與晟盟晟與之游因塞山川形勢部衆強弱皆盡知之時高

祖作相。歲以狀白高祖。高祖大喜。遣車都尉開皇元年。攝圖曰。我周家親也。今隋公自立而不能制。復何面目見可賀敦乎。因與高寶寧攻陷臨渝鎮。約諸西部落謀共南侵。高祖新立。由是大懼。修築長城。發兵屯北境。命陰壽鎮幽州。虞慶則鎮并而屯兵數萬人。以為之備。歲先知攝圖玷厥阿波突利等。故姪兄弟各統精兵。俱號可汗。分居四面。內懷猜忌。外示和同。難以力征。易可離間。因上表。帝大悅。因召與語。歲口陳形勢。手畫山川。寫其虛實。皆如指掌。帝深嗟異。皆納用焉。因遣大僕元暉出伊吾道。使詣玷厥。賜以狼頭纛。詔為欽敬。禮數甚優。玷厥使來。引居攝圖使上反間。既行。米相猜貳。授車騎將軍。出黃龍道。齎幣賜受。肅契丹等。遣為鄉導。行至虛羅侯。使深布心腹。誘令內附。二年。攝圖四十萬騎自蘭州入。至于周盤破。連長孫軍。更欲南入。玷厥不從。引兵而去。時歲亦說桑于。詐告攝圖曰。鐵勒等反。欲襲其牙。攝圖乃懼。回兵出塞。七年。攝圖死。遣長孫晟持節拜其弟覓羅侯為莫自可汗。以其子雍闥為葉護。可汗覓羅侯因晟奏曰。阿波為天所滅。與五六十騎在山谷間。伏聽部旨。當取之以獻。乃召文武議焉。安樂公元。詣日請就彼。舉首以懲其惡。或陽公李元曰。請生持入朝。顯戮而示百姓。帝謂晟曰。於卿何如。晟對曰。若突厥背誕。須盡之以刑。今其昆

弟自相夷滅。阿波之惡。非負國家。因其困窮。取而戮之。恐非招遠之道。不如兩育之。帝曰善。煬帝大業初。右光祿大夫段文振以高祖容納突厥。啓民居于塞內。妄以公主賞賜重疊。及煬帝即位。恩澤彌厚。狼子野心。恐爲國患。乃上表曰。臣聞古者遠不間近。夷不亂華。周宣外攘夷狄。秦帝築城萬里。蓋遠圖良算。弗可忘也。竊見國家容納啓民。資其兵食。假以地利。如臣愚計。竊又未安。何則。夷狄之性。無親而貪。弱則歸投。強則反噬。蓋其本心。臣學非博覽。不能遠見。且聞晉朝劉曜。梁代侯景。近事之驗。衆所共知。以臣量之。必爲國患。如臣之計。以時喻還。今還塞外。然後明設烽候。緣邊鎮防。務令嚴重。此乃萬歲之長策也。又西域諸藩。多至張掖。與中國交市。帝令吏部侍郎裴矩掌其事。矩知帝方勤遠略。諸商胡至者。矩誘令言其國俗山川險易。撰西域圖三卷入朝奏之。帝大悅。每日引矩至御座。親問西方之事。矩盛言胡中多諸寶物。吐谷渾易可并吞。帝由是甘心通西域。四夷經略咸以委之。遷黃門侍郎。帝復令矩住張掖。引致西藩。至者十餘國。後帝遣將軍薛世雄城伊吾。令矩共往經略。矩諷諭西域諸國曰。天子爲蕃人交易。愜遠所以城伊吾耳。咸以爲然。不復來競。及還賜錢四十萬。三年七月丙子。發丁男百餘萬築長城西拒榆林。東至紫河。二旬而

罷死者十五六。八月帝巡于塞北幸啓民帳時高麗遣使先通于突厥啓民不敢隱引之見帝內史侍郎裴矩因奏狀曰高麗之地本孤竹國也周代以之封于箕子漢世分為三郡晉氏亦統遼東今乃不臣別為外域故先帝疾焉欲征之久矣但以楊諒不肖師出無功當陛下之時安得不事使此冠帶之境仍為蠻貊之鄉乎今其使者朝於突厥親見啓民合國從化必懼皇靈之遠暢慮後伏之先亡晉令入朝當可致也帝曰如何矩曰請面詔其使放還本國遣語其王令速朝觀不然者當率突厥即日誅之帝約焉其王高元不用命始建征遼之策四年七月辛巳發丁男二十萬餘築長城自榆谷而東詔嵐州刺史衛玄監督之六年遣侍御史韋節召突厥慶羅合與東駕會於大斗拔谷其國人不從慶羅謝使者辭以他故帝大怒無如之何適會其酋長射獵遣使來求婚黃門侍郎裴矩因奏曰慶羅不朝恃強大耳臣請以計弱之分裂其國即易制也射獵者都六之子達頭之孫世為可汗居臨西面今聞其失職附隸於慶羅故遣使來以結援耳願厚禮其使拜為大可汗則突厥分為兩而從我矣帝曰公言是也因遣裴矩朝夕至館微諷諭之帝於仁風殿召其使者言慶羅不順之意稱射獵有雄心吾將立為大可汗令發兵誅慶羅然後當為婚

也。帝取桃竹白羽箭一枝以賜射雁。因謂之曰。此事宜速。使疾如箭也。使者返。路經虔羅。虔羅愛箭。時留之。使者請而得免。射雁聞而大喜。興兵襲虔羅。虔羅大敗。并妻子將左右數千騎東走。在路又被劫掠。遁於高昌東。保時羅漫山。高昌王麴伯雅上狀。帝遣裴矩將向氏親要左右馳至玉門。關晉城。矩遣向氏使詣虔羅。所論朝廷弘養之義。丁寧曉諭之。遂入朝。然每有怏怏之色。又云。裴矩縱反間。突厥酋長射雁使詣攻虔羅。後虔羅為射雁所迫。竟隨使者入朝。帝甚悅。賜矩詔褒及西域。稱異。十一年八月。帝至鴈門。為突厥所圍。內史侍郎蕭瑀進謀曰。如聞始畢託枝獵至此。義成公主初不知其有違背之心。且北蕃夷俗可賀。數知兵馬事。昔漢高祖解平城。乃是閼氏之力。況義成以帝女為妻。必恃大國之援。若發一單使以告義成。假使無益。事亦無損。臣又切聽與人之誦。乃慮陛下平突厥後。更事遼東。所以人心不一。或致挫敗。請下明詔。告軍中。赦高麗而專攻突厥。則百姓心安。人自為戰。場帝從之。於是發使詣可賀敦。如義成公主也。諭旨。俄而突厥解圍去。於後獲其謀人云。義成主遣使告急於始畢。稱北方有警。由是突厥解圍。蓋義成主之助也。帝又將伐遼東。謂群臣曰。突厥狂悖。為寇勢。何能為一其少時。天散蕭瑀。遂相恐動。情不可忍。因出為河

北郡守。唐書高祖武德初。以豐州絕遠。先屬突厥。交相往來。吏不能禁。隱太子建成議廢豐州。廬其城郭。權徙百姓寄居于靈州。割并五原榆中之地。於是突厥遣慶羅之子都射設率所部萬餘家入慶河南之地。以靈州為境。二年。二月癸酉。令州縣修治堡同。以備胡。三年。七月甲戌。遣皇太子建成鎮蒲州。以備胡。四年。正月辛巳。詔曰。稽胡部類居近北邊。習惡之徒。未息從化。潛竄山谷。切懷首尾。寇抄居民。侵擾守候。可令太子建成總統諸軍。以時致討。朕命驍勇。方軌齊驅。躋谷彌山。窮其巢穴。元惡大憝。即就誅夷。驅略之民。復其本業。行軍節度。期會進止。皆委建成。處分五年。六月辛亥。劉黑闥引突厥之衆寇山東。遣車騎將軍元韶為瓜州道行軍總管。以備邊。八月甲戌。吐谷渾寇岷州。總管李長卿拒之。反為所敗。遣益州行臺右僕射竇瑊。滑州刺史且洛生援之。乙卯。突厥頡利可汗寇邊。遣左衛將軍段德操。雲州總管李子和等率兵以拒之。丙辰。頡利可汗率騎十五萬人入鴈門。已未。突厥進寇并州。以左監門將軍李勣為齊州總管。太子左衛率蘭恭為亳州總管。驃騎將軍張政為郢州總管。庚申。皇太子建成出幽州道。命太宗出秦州道。以禦之。突厥寇原州。又令雲州總管李子和率兵越雲中以掩可汗。左武衛將軍段德操赴夏州。邀其

歸路。辛酉。帝謂群臣曰。突厥入寇而復請和。和之與戰。其策安在。太常卿鄭元璠對曰。若擊之。則怨深。難以和。中書令封德彝進曰。若不戰而和。夷狄必謂中國畏懼。未若擊之。尅捷而後和。親。此則威恩兼舉。帝然之。戊辰。吐谷渾陷洮州。遣武州刺史賀拔亮防禦之。六年七月癸未。突厥寇原州。乙酉。寇朔州。右武候大將軍李高遠不能禦。率衆而遁。爲賊所賂。行軍總管尉遲敬德率師援之。七年六月。遣邊州修堡城。警烽候。以備胡。八年正月己酉。帝與群臣言備邊之事。將作大匠于筠進曰。未若多造船艦。於五原。靈武。置舟師於黃河之中。足以斷其入寇之中路。中書侍郎溫彥博又進曰。昔魏文帝掘長塹以遏匈奴。亦因循其事。帝並從之。於是遣將軍桑顯和塹斷北邊要路。又徵江南習水之士。更發卒於靈州造戰船。五月己酉。帝謂群臣曰。名實之間。理須相副。高麗稱臣於隋。始拒煬帝。此亦何臣之有。朕敬於萬物。不欲驕貴。但據此土宇。務共安民。何必令其稱臣。以自尊大。可爲詔述朕此懷也。侍中裴矩。中書侍郎溫彥博進對曰。遼東之地。固爲箕子之國。漢家之玄菟郡耳。魏晉前立於堤封之內。不可許以不臣。若與高麗抗禮。西夷必當輕漢。且中國之於西夷。猶太陽之與列星。理無降尊。俯同藩服。帝乃止。初。帝以天下大定。將偃武事。遂罷十

二軍。大敦文德。至是突厥頻為寇掠。帝志在滅之。復置十二軍。以太常卿
竇詵為參旗將軍。吏部尚書楊恭仁為鼓旗將軍。淮安王神通為玄戈將
軍。右驍衛將軍劉弘基為井鉞將軍。又衛大將軍張瑾為羽林將軍。左驍
衛大將軍長孫順德為奇官將軍。右監門將軍樊世興為天節將軍。右武
候將軍安修仁為招搖將軍。右監門衛大將軍楊毛為折威將軍。左武候
將軍王長諧為天紀將軍。岐州刺史柴紹為平道將軍。錢九隴為苑游將
軍。簡隸士馬將圖大舉焉。六月丙子。遣燕郡王李藝屯兵於華亭縣。及
彈箠硤水部郎中姜行本築斷石嶺之道以備胡。七月甲辰。帝謂侍臣
曰。往以中原未定。突厥方強。吾慮其擾遼。禮同敵國。今既人面獸心。不顧
盟誓。方為攻取之計。無容更事姑息。其後書改為勅詔。乙酉。顏利可汗寇
相州。叛胡睦伽陀攻武興丙辰。代州都督簡募與突厥戰於新城。不能剋。
復命行軍總管張瑾與突厥戰於太谷。丁巳。命秦王出蒲州以備胡寇。
八月壬戌。突厥踰石嶺寇并州。癸亥。突厥寇靈州。丁卯。突厥寇泌。韓三
州。左武候將軍安修仁擊胡睦伽陀於旦渠川。破之。遣李靖出潞州道。又
令行軍總管任環屯太行。九月癸丑。突厥寇蘭州。十月壬申。吐谷渾寇
疊州。遣扶州刺史將善合師援之。戊寅。突厥寇鄯州。霍國公柴紹帥師援

之。九年正月辛亥突厥聲言入寇朔州縣修城隍謹烽候。二月丁亥突厥寇原州遣折威將軍楊毛擊之。又徵兵屯于太谷遣秦王及皇太子建成勒兵以備胡後竟不行。六月丁巳突厥數萬騎圍烏城遣齊王元吉右武衛大將軍李藝天紀將軍張瑾率兵援之。辛未突厥寇渭州遣左衛將軍紫紹率兵禦之。太宗以武德九年八月甲子即位是月突厥入寇涇州乙亥突厥寇武功京師戒嚴丙子檢校戶部尚書裴矩等二十餘人各陳禦寇之冊帝曰朕受天命子育黔首豈使凶徒害我黎庶朕將禦戎躬親翦獲先事滅之然後施化公輩不須為慮也已卯突厥寇高陵辛巳行軍總管尉遲敬德與突厥戰于涇陽大破之獲其後介阿史德烏沒歟斬首千餘級癸未突厥遣其腹心執失思力入廟為呪自張形勢云二可汗總兵百萬今已至矣乃請反命帝謂之曰我與突厥面自和親汝則背之我無所愧又義軍入京之初爾父子並親從我賜爾王帛前後極多何輒將兵入我畿畔爾雖突厥亦頗有人心何得全忘大恩自誇強盛我當先戮爾矣思力懼而請命蕭瑀封德彝等請禮遣之帝曰不然今若放還當為我懼遂繫思力於門下省于時兵馬大集遣瑤德彝分出慰勞帝出自玄武門與侍中高士廉中書令房玄齡將軍周範驍六騎幸渭水之上與